



- SENAT -

Broj: 01-8-3/20

Sarajevo, 14. 04. 2020. godine

Na osnovu člana 130. Zakona o visokom obrazovanju ("Službene novine Kantona Sarajevo" broj: 33/17) i člana 59. Statuta Univerziteta u Sarajevu, a u vezi sa Odlukom Vlade FBiH o proglašenju nesreće uzrokovane pojavom koronavirusa (COVID-19) na području Federacije BiH od 16. 03. 2020. godine i Naredbom Ministarstva za obrazovanje, nauku i mlade Kantona Sarajevo broj: 11-34-8727/20 od 24. 03. 2020. godine, u cilju zaštite zdravlja i prevencije zaraze koronavirusom (COVID-19) svih studenata i zaposlenih osoba na Univerzitetu u Sarajevu, Senat je na 10. elektronskoj sjednici održanoj 14. 04. 2020. godine, donio *s l i j e d e ć e*

ZAKLJUČKE

1. Senat Univerziteta u Sarajevu je primio k znanju Informaciju Studentskog parlamenta Univerziteta u Sarajevu broj: 156/19-20 od 13. 04. 2020. godine o percepciji održavanja online nastave na organizacionim jedinicama Univerziteta u Sarajevu.
2. Senat Univerziteta u Sarajevu konstatuje da se online nastava odvija na svim fakultetima i akademijama Univerziteta u Sarajevu. Također konstatuje da postoje razlike u načinu izvođenja iste na različitim fakultetima i akademijama, a s obzirom na karakter studijskih programa, prvobitnu pripremljenosti pojedinih organizacionih jedinica za istu, ali i posvećenost i inventivnost pojedinih nastavnika.
3. Obzirom da je prošlo mjesec dana od uspostave online nastave na Univerzitetu u Sarajevu, preporučuje se svim organizacionim jedinicama da se online nastava, za predmete za koje je moguć takav vid realizacije, odvija po utvrđenom rasporedu, a kako bi se ostavio prostor za nadoknade nastave koja se ne odvija online kada se za to steknu uslovi.
4. U cilju povećanja efikasnosti online nastave preporučuje se svim nastavnicima i saradnicima u nastavi da koriste raspoložive platforme i alate za još veću video/audio komunikaciju i interakciju sa studentima.
5. Preporučuje se svim nastavnicima i saradnicima u nastavi da studentima stave na raspolaganje sve dostupne materijale, audio, video, prezentacije, elektronske dokumente i druge materijale (snimljena predavanja, vježbe i sl.) u cilju lakšeg savladavanja nastavne materije vodeći pritom računa o poštivanju autorskih i srodnih prava.
6. Preporučuje se nastavnicima i saradnicima u nastavi održavanje live konsultacija, kvizova i testova za provjeru kontinuiranog učenja studenata, a u cilju bolje pripreme za parcijalne i završne ispite.
7. Preporučuje se studentima pojačan samostalni rad i prisustvo svim vidovima online nastave, o čemu se ima voditi evidencija od strane nastavnika i saradnika u nastavi.
8. Odrbane završnih radova su odgođene do daljnjeg, osim u slučajevima hitnosti ili poštivanja zakonskih rokova, kada se mogu odvijati u virtuelnoj učionici.

9. Obavezuju se dekani i prodekani za nastavu da u saradnji sa studentskim asocijacijama prate i stalno unapređuju online nastavu i ispite.

REKTOR

Prof. dr. Rifat Škrijelj



Dostavljeno:

- Organizacionim jedinicama UNSA
- Ministarstvu za obrazovanje, nauku i mlade KS
- SPUS-u
- U dokumentaciju Senata
- Arhivi